

4



Yimbe fuu mbadi hakke, be tampi
teddungal Allah.

Roma'en 3.23.

Enen fuu en majji bana baali, koomoy
wayliti haa laawol muudum.

Esaaya 53.6.

Dum laatani neddo o maaya nde woore,
ammaa baawodon sey kiita.

Ibraniŋko'en 9.27.

Ngeenaari hakke woni maayde.

Roma'en 6.23.

Sonaa neddo danyte daga dow, o
waawataa yi'ugo laamu Allah.

Yuhanna 3.3.

Danyaadum e kusel dum kusel,
danyaadum e Ruuhu dum ruuhu.

Yuhanna 3.6.

Woodi laawol, goddo tammi ngol dari,
ammaa haa ragare dum laawol maayde.
Balndi 14.12.

Neddo adilinaaka bee kuude tawreeta.
Galaatiya'en 2.16.

Bee mo''ere kisdon ngam nuddinki.
Dum boo naa bee kuugal moodon –
dum caahu Allah – naa bee kuude,
ngam taa goddo juro.
Efesu'en 2.8–9.

Yeesu wi'i: Min woni laawol, e goonga,
e ngeendam. Walaa garando haa
Baabiraawo sey dow am.
Yuhanna 14.6.

Walaa kisndam nder goddo feere sam.
Ngam walaa innde wonde les asama
hokkaande yimbe, nde kisreten e
maudum.
Kuude nelaarabe 4.12.

Ngam Maajum

Tuubu!

Jonta Allah umra yimbe kootoy fuu, be tuuba.

Kuude nelaarabe 17.30.

Nuddin!

Nuddin Jawmiraawo Yeesu, nden a hisan, an bee yimbe saare maada.

Kuude nelaarabe 16.31.

Wanginan Allah hakkeji ma!

To en mbanjini hakkeji meeden, o koolniido, o adiliijo, ngam o yaafano en hakkeji meeden, o labbina en e sooynde-adilaaku fuu.

1 Yuhanna 1.9.

Seeda Almasiihu yeeso yimbe

Ngam to a seedorake bee hunduko maada Yeesu woni Jawmiraawo, a nuddini nder bernde maada Allah ummitini mo e maaybe, nden a hisan. Ngam bee bernde neddo nuddinirta haa adilaaku, bee hunduko o seedorto haa kisndam.

Roma'en 10.9-10.

Allah yowanaay en tikkere, ammaa ngam keben kisndam e Jawmiraawo meeden Yeesu Almasiihu, mo maayi ngam meeden. 1 Tessaloniiki'en 5.9–10.

Bana ni Allah yid'iri duniyaaru, haa o hokki Biiyiiko bajjo ngam koomoye nudd'indo mo, taa o halka, ammaa o heba ngeendam nduumiidam.

Yuhanna 3.16.

Jawmiraawo ukki aybe meeden fuu dow maako. Esaaya 53.6.

Almasiihu maayi nde woore ngam hakkeeki, kanke adiliijo ngam sooya-adilaaku'en, ngam haa o wadda en haa Allah. 1 Pitrus 3.18.

Dokkal Allah woni ngeendam nduumiidam nder Yeesu Almasiihu, Jawmiraawo meeden. Roma'en 6.23.

O waawan hisnugo haa timmeendam
baditoriibe Allah bee maako, ngam
kanjo o geeto haa abada ngam o seeto
be.

Ibraniŋko'en 7.25.

O bawdo aynugo on daga perge e
darnugo on yeeso teddungal maako bee
seyo fantunjo.

Yahuuda 24.

Nder bone maako o jarribaado, ngam
maajum o waawan wallugo jarribaabe.

Ibraniŋko'en 2.18.

To goddo don nder Almasiihu, o tagdi
kesri, kiiddum saalake, ndaa koodume
fuu laati kesum.

2 Korintu'en 5.17.



SGM International

3 Eccleston Street Londres SW1W 9LZ